

遠秀堂全集詞



七

遠秀堂集

詞

蕉客詞

闕里孔毓堦



詞宜刻者俱以紅圈誌之
計九十二首

蕉露詞

關里孔毓庭宏與著

翠葍初長綠隄弱柳飄如縷蝶衣相
相逐花間舞
李白桃紅遮斷郊原路留不住春光
初暮結子應無數

○浪淘沙

春情

小閣枕垂楊日映紗窗春風幾度到
匡床處落花堆

何相刻
卷之六

蕉露詞

點絳脣

春郊

關里孔毓庭宏興著

翠苻初長綠隄弱柳飄如縷蝶衣相
相逐花間舞
李白桃紅遮斷郊原路留不住春光
初暮結子應無數

○浪淘沙

春情

小閣枕垂楊日映紗窗春風幾度到
匡床處
落花堆

滿廷蝶亂蜂忙，倦起懶焚香脉。衷腸更無言語自
思量，自去自来，復燕子話盡雕梁。

踏莎行

賦得花氣渾如百和香

芍藥環階丁香繞砌人盡道韶光媚試從花底漫行
未許多蘭麝侵伊袂蝶戀芳叢蜂攢嬌蒂採來都有
神仙氣神仙傳蟠
百和之香開軒聊整博山爐融成一片香風細

訴衷情

藤花下集飲

幕天席地我何求花下倒金甌不須舞裙歌板也自足
風流壽底事問留侯語莊周三年辟穀一日銷槽誰
劣誰優

百字令

藤花月

用黃山谷韻

春風無賴吹散了多少嬌花嫩蝶小院荒齋却喜有天
矯孤藤盤結鮮朵垂新枝裏尚耐東風揭晴窗如

專得唾壺倚畫

天多清語
輕手請
繫想
畫上
淡
畫
一
樣
清
暉

明微請
罷離
發更
高
散
紫
得
垂
坐
竹
缺
酒
盡
時
外
防
人

滿廷蝶亂蜂忙，倦起嬾焚香脉，衷腸更無言語自
思量，自去自來，復燕子話盡雕梁。

踏莎行

賦得花氣渾如百和香

芍藥環階丁香繞砌人，盡道韶光媚，試從花底漫行
來，許多蘭麝侵伊袂，蝶戀芳叢蜂攬嬌，蒂採來都有
神仙氣。神仙傳蟠
百和之香開軒聊整博山爐，融成一片香風細。

訴衷情

藤花下集飲

幕天席地我何求，花下倒金甌，不須舞裙歌板也，自足
風流。籌底事，問留侯，語莊周，三年辟穀，一日舖糟，誰
劣誰優。

百字令

藤花月 用黃山谷韻

春風無賴吹散了多少嬌花，嫩蝶小院荒齋，却喜有天
矯孤藤，盤結鮮朵垂，新枝裊，尚耐東風，揭晴空如
畫，碧天移上清月。遐想天上風光，與人間一樣清暉，
明徹讀罷離騷，更高歌繫得，垂壺將缺酒盞，詩瓢傍人。

應笑我醉狂饒古藤花含咲莫將此意分說

柳梢青

春郊晚歸

春色無涯花明遠圃鶯立晴沙北壑田夫東臯婦子爭
溉桑麻 都言好箇年華風景共桃源不差紅日銜山
青松吐月放了蜂衙

玉連環

蠶婦吟

戴笠初換桑枝嫩微行成陣辛勤幸得已三眠又早麥

秋相近 雪縷腹藏將噴光瑩柔潤 心情好比繭和絲
繭易縑絲難盡

蝶戀花

落魄

心似飄蓬身似絮携妓呼朋到處綿纏住撥得琵琶臻
妙處一生不曉尋章句 柳巷花街堪作寓事業功名
那有閒心猶少婦淒涼垂泣語說郎又向他家去

卜筮子

蛛網

高懸八陣圖斜掛周天度密々銀絲結細曾張向無魚
處 而急失前踪風斷迷歸路幾與兒童為掃除又滿
閨窓戶

○點絳唇

香篆

鎮日書空京未一縷沉烟裊隔窓風小漾就銀鈎巧
四壁紛紛都是龍文蒸知多少焚未泐々又變張顛草

鵲橋仙

賦得織女弄金梭

蕭々絡緯頻々促織不啻天孫眉皺金梭玉杼不停留
歷終古何曾織句 新秋已過中元將近又早相逢時
候牛郎指日渡河來且閣起七襄錦綺

滿江紅

送威如羅表弟回池州

弟去青陽依然是羹藜茹藿臨歧別一言相贈勸君須
諾早歲渾如花柳蝶通年又類關山鶴嘆人生百歲幾
何年耳淪落 研理義須精鑿探經史宜淵博論醫貧
惟有讀書良藥偃蹇任他時運錯潛修何懼功名薄笑

將來何事可終身書中樂

○羅敷媚

梧桐月

銀河清瀉金波靜滿灑悠、遠照高樓近接梧桐翠欲
流空遠一望遙天碧夜氣偏幽恨殺更籌佳節頻催
不暫留

滿江紅

戊寅八月霖雨連朝惟十五日天氣晴朗暮夜
月光皎潔次日復雨回憶疇昔倍生欣喜援筆

志之

秋色平分着霖雨何嘗暫歇無伴侶霓裳仙子也應愁
絕玉兔近從靈窟隱銀蟾遠向瑤臺滅恰宵未風伯慰
人心歸雲掣管絃奏聲疎越星月燦光清澈幸不曾
辜負中秋佳節懸象明時禱一點哉生魄後雲千疊想
嫦娥止許見團圓羞虧缺

○減字木蘭花

聽雨

空階浙瀝偏向憲前蕉葉滴落水蕭、別院松風弄晚

濤聲入耳獨酌濁醪看漢史明滅書燈四壁蛩吟
不耐聽

○ 叙頭鳳

賦得滿城風雨近重陽

金蘭友茱萸酒家、將去登高阜高風迅秋雲潤東籬
雨響南窗燈暈悶、悶 未深岫垂重雷淒淒、偏在黃
昏後孤鴻奮黃花嫩重陽佳節不須頻問近、近

○ 滿江紅

謁黃石公祠

望盡空山白雲掩幾層翠嶂想當日子房際過圮橋之
上佐漢還從納履起報韓只把陰符仗待功成還過數
城時重相嚮 蒼顏貌白髮狀踐赤烏曳丹杖更離毫
碧瓦留人想望昔日赤松今在否當年黃石仍無恙看
千秋暮雨繞靈旗風飄颺

醉鄉春

賦得霜葉紅於二月花

冷、嚴霜如蒿早把深林催變通石徑繞寒山處、殷
紅難辨 剪絲隋宮奇幻爭似丹楓一片誰曾識九秋

天驀然重對春風面

鳳凰臺上憶吹簫

美人彈琴

漫拂瑤琴輕舒纖手冰絃獨理空連正高山流水一曲
初成恰似衷腸欲訴無限語刺：難明曲中意楚妃掩
抑趙女淒清 堪聽移宮換徵譜月晚歌詞多少新聲
問芳年有幾十五盈、暫借求凰雅搃將心事指上傳
情風流也溫柔俊雅一代傾城

意難忘

即席贈教童

眉目清揚學內家粧束體態無雙朱唇含角微皓齒發
宮商歌扇小舞衫長風致擬毛嫱若不是輕颺裙釵怎
識仙郎 座中騷客皆狂把纏頭相贈爭擲香囊齋紙
搖素月魯縞映玄霜寂寞是善行觴守約法三章總教
伊司空見慣也惱人腸

○ 誤佳期

梅影

簾外幽香浮動樹底霜寒露重一輪皓月到堂前枝上

清光湧 月色過西樓影滅
紗窻空醒來無處覓行踪
錯認梨花夢

羅敷媚

本意

冶容綺態搖瓊瑤
榮華衣裳羞澁行藏蓮步移來滿路
看東方千騎夫居上意氣軒昂莫要輕狂試聽清歌
陌上桑

瑣憲寒

本意

雪積堂前踈櫺月上清幽堪羨輕紗素壁凝就寒光一
片最閑情雲母屏前水晶簾外明如練恰爐中香燼盡
燈半滅風闌綺幔 庭院銀塘內正凍結梅花冷侵華
硯衾裯坐擁瘦骨不禁頻顫想袁安高臥風流個中滋味
應嘗慣儘消愁幾盞醇醪永夜垂銀蒜

朝中措

除夕用歐公平山堂原韻

萬家烟火徹高空新舊五更中
今夜猶餘殘臘明朝換了東風
圍爐聚守絳盤相對滿泛金鍾
家嘆幼時親

友催成大半衰翁

○ 搵練子

新綠

梅額退柳眉開
簾外東風繞翠苔
隔院青、何處是偷
將春色過牆來

一剪梅

春江烟雨

天整迤、暮雨過遠
鎖山坡近暗平坡
桃花泛、水盤
涓浪湧滂沱
風逐滂沱
漁子孤舟荷綠蓑
一棹清波一

望烟波晚來艤艇
傍青蘋半是漁歌
半是吳歌

洛陽春

題
花下美人圖

簾外花枝低亞
曉未粧罷輕舒纖手
挽花鈴故意把蜂
兒罵
一樣嬌姿堪訝
倩誰圖畫
若將絕色擬名花
遂是作花聲價

小重山

賦得雙柑斗酒聽黃鸝

綠暗平蕪垂柳堤
和風春日麗草萋
金衣公子隔前

溪隨聲去只在西橋西
斗酒破封泥
復掛三寸小自
提携戴顯高
隱類夷齊
千秋後
留得聽鶯啼

○柳梢青

本意

拖綠垂青長堤遠望一片烟凝
嬌眼慵舒纖腰怯舞半
為春情經過多少離亭斜陽外
啼殘亂鶯臨水依橋
含風帶雨分外輕盈

○採春

咏採春花

花似蜂攢瓣同蟻聚多謝東君
軒凌柳曳新絲梅挂殘
雪先托春情淺漏儂欲尋春去
奈脉脉無聲無臭總憑
視爾如何便知消息前後
獨占茲名已久被提才先
得可曾知否噫維鶯喃乳燕似
對花前密兒問是誰先
曉空負看虛譽堪醜名實相乖
採春於汝何有

清平樂

本意

清風明月四海烟塵滅
偃武韜戈軍旅歇
幸際昇平時節
優游皓首龍眉里
門不掩
復扉擊壤高歌
帝德

人間良夜遲

●望江南

竹夫人

冰作體 嶰谷舊傳名 香遜潘妃 行步巧態 憐趙后 舞腰
輕弱骨 自亭 生未瘦 常自伴 桃笙 琥珀枕 邊紅浪
暖 琉璃帳 底簟 紋早風 月長 曾經

○武陵春

黃梅雨

江南江北雲不斷 漢水繞田疇 五月涼生 草閣幽一霎

便疑秋多 少閨情 無處訴 舊恨閒新 愁駮盡 春衫未
肯收 錯認是珠淚 流

點絳脣

瓶中蓮花

光映琉璃太真出浴 還堪擬嬌姿 半委睡足 朝慵起
輕染胭脂 沉醉粧臺 裏楊家 姊妹憐爭美 淡掃應羞死

○秦樓月

夏景

薰風勢傾盆 雨急炎威 輟炎威 輟北憲 高臥羲皇無別

綠沉瓜映寒冰冽佳人細剖刀如雪刀如雪紅菱碧藕時時頻切

卜美子

擁翠

風靜水波凝雨後山光乍綠樹重陰一畝居家在垂楊下
簾外碧天澄園內花枝亞擬似唐人金碧圖小李將軍画

○南鄉子

蝶

對舞覓幽飲未往頻將曲檻穿金谷名花春爛熳無端
惹得尋芳不暫閒常自逐輕紈博得佳人帶咲看似
向紅顏粉傅粉翩遷只在青絲左右旋

浣溪沙

咏紅菱碧藕圖

穢齒流涎滿幅香塗成碩果出蓮塘誰言西餅不充腸
三角紅囊酥似酪七星玉節冷如霜飽看餓眼賢端

詳

一斛珠

美人蕉

臨風簸、朝來雨洗如梳沐紅顏綠鬢新粧束心性靈
虛宜貯黃金屋頻搖翠扇闌干曲等閒占盡閨中福
縱教妬婦心應服我見猶憐怪道驚郎目

踏莎行

韓侯祠

威攝三齊功存兩漢儼然端坐封侯面未央宮裡事堪
憐弓藏烏盡憑誰怨跨下橋邊淮陰城畔歲時猶進
王孫饌當年若信蒯通言冥中應負蕭公薦

水龍吟

燕子磯

懸崖絕壁凌空下臨隱、輕帆驟進房露冷高城木落
燕歸時候結騎無踪臨春何地故巢安有向江邊閱盡
千秋興廢雪浪拍孤岩岫一自梁陳以後嘆六朝盡
堂難又多情如燕無知如石也應消度狎客憐才佳人
逞艷於今在否看磯頭惟有蘆花明月江流如舊

沁園春

謁文信國公祠

朱室陵夷乘輿播遷歟由靖康論畢亭持辯辭嚴義正
真州定策計善謀臧西入金陵東安浙水一舉能教朱
臂昌天心去致遠芝信間變姓離揚不渝鐵石劉腸
更蹈海如溫訪二王嘆瓜洲誓將李姜同志海陵先節
張許齊芳繫纒燕京從容柴市留得千秋姓字香忠魂
聚首一堂俎豆日月爭光

望海潮第二體

過甌社湖

輕帆高掛疎簾半啟中流四顧汪洋天外清風雲邊朝

日孟城隱微茫渾不減瀟湘看遊魚深避飛雁高翔
咫尺津途不分何處是家鄉堪驚塵世滄桑記湖邊
繡戶樓上雕窗倚殘隄門通逝水惟餘魚艇奔忙人
在水中央雖禹功未底豈懼懷襄為語居民好將餓眼
看珠光

滿庭芳 甯門十景

達泉細柳

時遇芳晨行依春水碧流無限潺湲環溪繞徑一帶柳
含烟滿目青萬縷枝難嫩纖手堪攀春遊倦羅綺布

地好伴汝三眠、娟、綠樹底雖鶯噤、好鳥閑、醉
酒酬春意為我留連試看乾坤落、能有得幾個達泉
恍疑在灞陵橋上遠望樂遊原

泮水殊荷

橋火將殘荷錢乍展輕、過了清和綠凝碧水翠葉出
凌波鄉村當年何在到今日芹蔭無多喜留得幾枝青
蓋細雨應輕羅 娉娉新霽後金房露洗紫葍烟拖想
灤溪遺愛擊節酬教更羨秋時雪藕將一片療我沉疴
還堪羨考槃在澗寤寐碩人邁

泗橋漁市

雲擁尼峰雨添泗水夜來新漲初消招、舟子盡蕩木
蘭橈處、垂綸舉網隨波浪上下飄搖斜陽落稀星布
水新月隱長橋 明朝看肆內銀花萬點雪片千條笑
沈 當日欺布輕帆聖澤遺風百世安漁隱嘯咏陶、
日中笑青袂滿袖携去換香醪

沂岬花村

和靖梅開淵明菊放四時景物常新濃桃艷李散並此
清芬恰在舞雩臺畔偕童冠古蹟猶存想當日瑟聲鏗

爾常傍此逡巡 三春尋樂處激流枕石挈攜樽溯
風流餘韻樂我天真未許垂鞭歸去看汝渚紅日斜照
青帘下儘堪沽酒說甚杏花村

●孔林紅葉

異樹吟風喬枝礙日粘天一派陰森畫長人愁常聽噪
鴉禽轉眼俄驚節候都無奈老翠相侵金風動聲淅
瀝萬籟發清音 秋深逢午夜清霜冷、白露淋、看
司辰青女苦費深心細染枝頭密葉居然是吾谷楓林
思親也履霜悽愴怵惕欲露襟

周廟蒼烟

日射朝霞雲凝暮靄都依清廟盤旋松楸積翠含露蔚
葱芊彷彿層巒疊嶂氤氳氣終古纏綿中唐外西行古
柏黛色欲參天 當年陳法物全人何處歌器無傳喜
猶存鐘簋廟貌巍然夢裏何曾親見空留下幾點寒烟
凝眸久彌深悵望赤鳥在誰邊

漢殿秋霜

風動果懸月明金榜當年制度輝煌雕甍綺戶蒸繪滿
修廊殿角風箏乍響琉璃瓦白露灑、金商應宵寒月

冷一夜盡成霜 荒涼秋暮也 凄清雙圃蕭瑟靈光看
蒼、葭葦塞雁南翔早見大連庫畔飛雲迥九點烟黃
徘徊久摩挲碑碣尚憶魯恭王

魯城暮雨

漢柏參天唐槐匝地蟠株交峙長青秦碑魯殿轟立勢
崢嶸翹首遠瞻泰岱看觸石膚寸雲生宮牆裏松風乍
起細雨若高城 溟、霑灑處柳迷燕子花隱晴蜓漸
龜荒峰暗珠泗波零陌上芳遊士女湘裙濕透吳綾
歸來也終闋金鑰月上晚天晴

石門月霽

暮雨全收殘雲盡捲碧天洗淨無塵晚山獨步偏與月相
親張氏隱居何處看澗外麋鹿成群千峰翠透、遠岫
夜氣識金銀 石門前兩山並峙 俗名金山銀山 嶙峋懸崖下青垂古
柏翠擁寒筠任芒鞋穿破歷遍雲根還有枯藤堪據須
痛飲莫負尋春天將曙故明東上白月落孤村

防嶺雪殘

霽、彤雲深、翠巘六花飛下高天瑤華遍野遠望失
峯巔忽見羲和早取朝陽地冷紫摧殘寒山上高崖深

空積素尚依然
層巒晴霽處山花脉
凍水涓
羨
南枝開放梅雪爭妍
試向東臯行去也
學那驢背當年
經過倦還歸別墅
不費杖頭錢

錦纏道

賦得紅袖傳來酒令行

皓腕春纖一抹絳霞籠
似梨花天桃爭秀玉杯斜映
胭脂透飛羽傾壘共勸春宵酒
較太真行觴翻成多
口漏沉
問何時停手一齊笑指天邊道
曙雞三唱月
落山啣斗

憶秦娥

賦得困人天氣日初長

春將歇滿庭亂舞楊花雪
楊花雪連
景色困人時節
天桃溪外
聯紅纈
流鶯噤
調簧舌
調簧舌
幽情難
吐向誰分說

○憶江南

本意

江南憶
最憶是樓霞
丹桂時飄八月蕊
青松猶放六朝
花清絕是僧家

江南憶最憶是秦淮一派明燈聯画鼓兩行曲檻列金
欵此際最開懷

江南憶最憶是揚州斷續笙簫隨画舫迷離烟樹繞珠
樓冷月蕩邗溝

江南憶最憶是雲樓綠竹森鳴野鳥法堂寂隱閣
黎淨域屬蓮池

夜合花

寄遠

恨惹青衫教傳白紵眼前春意都賒流光如駛輕老

却韶華燈燼後舞腰斜小立闌干粉壁曾遮雖非紅拂
紫衣俊俏偏趨烏紗迢迢如隔天涯何堪雁魚香
室通人遐東施竊效共言無甚爭羞眉灣月共堆鴉
能分美玉蒹葭造和清怨秦箏趙瑟聽琵琶

○百字令

甲屈原

用東坡大江東去原韻

懷沙逐浪嘆忠良終作池中之物一自武關人去後誰
返靈修深壁鄭袖工譖上官巧譖宛抑誰能雪行吟澤
畔依稀三閭英傑當年逆料強秦虎狼無信讜語無

空發怪底諧臣與媚子
新送國亡家滅佞傑堪憐
蛾眉見妬怒氣衝華髮
湘江沈水忠魂常伴明月

如夢令

喜雨

鵲面鳩形難狀
父老咨嗟相向
忽見雨如絲處
桑麻舒暢
飄颻飄颻
曉月牧歌
樵唱

江城子

憎蠅

陸非乘馬水非舟
熱時游冷時收
終日趨炎清夜不曾

休逐臭奔腥
何日了除非是火西流
非同蜂蠶利如
牙齧如瘡惡如讐
蝴蝶有情難許
夢莊周汗血孔毛都
是菓殺不盡是汝儔

水龍吟

果

池荷盛開將欲往
觀聞池畔疾癘特甚因而
小池綠放紅舒
凭欄一望渾如
繡紅牙輕拍朱唇
半啟
去年時候蕩月微風
跳珠細雨
今時還有欲行
且止
傳言癘鬼來池畔
方居守
人世難逢
咲口負良辰
伊

誰之咎至今為梗於今為烈問君知否廣漠之鄉渺冥
之地風淳俗厚勸多情及早膏車秣馬無遲荒圃

沁園春

咏錢

勁骨稜、憐貧救饑端推汝曹美方面規矩一身都備
窮通富貴片刻難拋李杜文章韓歐詞賦光燄應須遜
布刀休輕視這方死名字九府曾標人情薄似輕筠
使一日無君意氣消看三春塵土淒涼范甌千年絃誦
冷落相瓢終日處囊一朝脫穎不讓平原客姓毛堪嗟

嘆有英雄無分白首空搔

傳言玉女

寄訊梁溪顧天石

玉簪樓頭君去重登作賦滾溪東畔更詩追李杜懷人
景色動我伊人之慕恰逢征雁憑將毫素聞說如今
洞壑招君欲赴叮嚀再囑勸君休遠去衡湘之南愁底
塞鴻難渡何時慰我隻眸凝佇

臨江仙

夏雲多奇峰

聚散橫天有態卷舒出岫無心曉未疑住在山陰舉頭
皆峻嶮入目盡高峯一線白同鳥道千絲蒼若烟林
山間朝暮四時新矣當夏日浙漑漑商霖

○金人捧露盤

中秋後二日宴集

對秋風觀秋月是秋中凝望眼雲淡天空輪虧一線晴
光猶與昨宵同傳盃美竿暢襟懷酒力無功桂傳香
蘭逞潔看去蕙教歸鴻更那堪醉眼朦朧霓裳舞罷恍
疑身在碧虛宮人生幻耳笑明皇仙路曾通

青衫濕

嘆柳

青春三月韶光麗飛絮繞池塘桃溪李徑馬嘶芳草鶯
奏笙簧於今重過淒風涼月冷落垂楊樹猶如此時
手難再使我徬徨

○撼庭秋

楓葉

化工揮染何速不見些兒綠胭脂數點珊瑚滿架亂螢
金屋西風雁斷吳江霜冷憐他吾吞念停車人去知

音有幾問誰青目
如夢令

院靜鳥窺人

無事衡門畫掩一林梨花
院小鳥語枝頭似說日長
人懶低嚀低嚀蹴落殘紅碧蘚

八聲甘州

冬宵

聽空連啼殺後樓鴉
蕭疎月落對寒憲書幌飄
敗葉數陣酸風偏是淒涼
景色遠寺送疎鐘且自低銀蒜

靜掩簾櫳
招我良朋密友看金樽
重泛獸炭煨紅嘆
翻雲覆雨何似酒盃中
念遠方箇中消息界霜天
幾度望歸鴻
圍爐罷夢酣紙帳籠
睡三冬

滿江紅

驢背雪

飛絮排空問何處
朔風策冽最喜是灞橋東
畔醉寒情
爇訪戴舟中
風浪除擒
兵馬上笳聲咽
總不如驢背甚
安閒無羈絆
村有酒時還歇
三盃後憑傾
跌况梅花
爭吐正堪攀
折壓帽斜衝寒玉碎
迤蹄細踏瓊瑤裂
任

豪華遜我一籌兒非空說

觀漢狀元旗

富貴何常嘆人世勞，無歌狂演出富而多吝真堪叫
絕失馬塞翁天意巧持籌王子人情拙看千秋多少守
財奴皆同轍 柳下惠心如鉄魯男子腸如雪看魏
金榜狀頭高揭不使行藏欺屋漏透教名姓標天闕更
憐他擊柝富家兒真高節

菩薩蠻

臘八二字限韻

紙憲虛白侵塵榻寒梅冷艷吹殘臘記得那人兒鬢邊
橫一枝 芳年到二八生性偏輕滑盼的是花開花開
人不來

○眼兒媚

賦得春來簾幕怕朝東

多情猶胆怯逢春青皇巨耐人當樓曉日不如殘照門
對斜照 儘教鎮日簾垂地不是畏紅塵簾聲笛韻鶯
歌燕語半在東隣

蝶戀花

梅謝柳初柔

世事紛紛如轉轂林下風流讓與池邊綠紙帳春眠猶
未足章臺夢新溫如玉三美臨風聲護誰向星前
吹出傷心曲聞道灞橋春正煥長條攀盡情何屬

錦纏道

春情

燕語鶯啼不啻日長人倦傍名園聲低喚我番花信
都輕換留得些兒尚把春光斂况舞雩春風儘堪留
懸列群賢畫東南碩彥蘭亭修竹陰森同激湍深處可

有桃花面

鵲橋仙

西府海棠

含烟照水牽愁帶恨愈覺盈、繁、曉來無力對東風
似雨意雲情不慣紅腮露染朱唇酒暈引得遊人心
亂天香國色逞芳嬌也避汝嬌而不婢

錦堂春

背面美人

瞥見芙蓉牽恨漫言秋水凝眸當年密意無憑準相見

恐郎羞 玉鏡斜分嬌面香塵倒印雙鉤被人捉賺傷
情甚立誓不回頭

夜合花

本意

榭譜孤松曲傳別鳳天無遊汝芳名綠羅細剪翩
出紅英倚綺檻近雕甍做合離無限輕盈人生樂耳迂
儒卜畫未得其平 當年溱洧傳情怪把將離相贈遺
却芳卿行雲行雨翻覺無悔無明懷多露畏青蠅鑿微
誠只許三星搖花堪咲矣風烈日行盡空庭

謁金門

偶憶

薰風襲處紅浮綠沼蓮子花開音信杳
昨夜雨添多少潤却柔腸枯槁蟬翼如紗聲自巧
來輕薄好

一剪梅

落霞

急雨殘紅捲碧霄綠掛林梢又掛山楸遠
綠柳接紅橋樹上疑燒水上疑竈
返照簾櫳上翠翹醉餘如朝

睡膝如菽寢憐孤鷺興偏豪雲外鳴蹄天外遊翔

○武陵春

天水牛

最尔微軀童而角紋彩也斑、不辟塵埃豈辟寒亦在
草中眠 詎曉耕雲空喘月常使牧童聞版盡洪爐九
轉丹騎不得出函關

○浪淘沙

步月

暮靄顏寒烟有酒如泉銜頰緩步穩如船醉後只嫌天

地小月大如錢

無異挾飛仙對景流連五更漏盡倚

悠然明月啣盃、捧月隨手團圓

○海棠春

賦得牧人驅犢返

夕陽古道行人情牛背上笛聲飄渺明月滿空林野火
生荒草 歸來却聽童兒報道近日盈衢餓殍人也食
難謀却得僕牛飽

○隔簾聽

飄雪

半捲珠簾翠帳啼遍枝頭鳥當空一色雲飄渺似冷落
殘梅看未香、飛絮繞料如藍無此鮮皎微雲掃斷
萍寒落不見魚兒鬧飛、美盡天公巧斜拖橫舞問他
多少人難曉除非謝莊知道

○七娘子

鞦韆

明粧偏向韶光銜綵鏡斜掛垂楊院足踏花翻翠拖柳
亂往來輕似迎風燕描寫手上黃金釧風揚翠袖相
璀璨仙佩鏗鐺瓊瑤搖曳春情早被東隣見

杏園芳

酒帘

三春蝶嫩鶯嬌迤、綠樹紅橋杏花村裏酒旗招鮮金
貂啣盃曾覓樓頭醉月明楊柳千條踏青蹄去馬蹄
遺任風飄

○惜餘春慢

護花鈴

惹悶時光困人天氣偏為惜花起早流鶯啄碎嬌鳥啣
殘蕊片落紅未掃尋向園中密枝佈滿金鈴紅絲遍繞

越東風吹起丁璫聲韻送來集、
還勝却鉄馬鏗鏘
觸人愁猶不解圍情懊恼雪衣翠羽丹嘴金翎好去別
尋果稻莫怪吾儂情薄昔日花奴也愁春光剝寔前嫩
蝶狂蜂讓汝恣情潦倒

一萼紅

題悼壽平歲寒三友圖

歲寒三友松竹梅也此
圖用羅漢松天竺臘梅

與舊画不同豈翳好
新抑或別有取哉同人
填詞題之

物猶人看無知草木愈淡愈相親外直中虛耐寒傲雪
不教嘆惜離群羨爾誼同管鮑金蘭契千古比雷陳却

被丹青一朝變易匪我思存

應為炎涼世態借尺幅

輕綃遊戲風塵臘尚玉戾松稱羅漢別開天竺闌門何
曾見解衣推食翻不如乞腦剗身說甚擔簦跨馬白首
如新

如夢令

白牡丹

玉貌天然無假恰似文君新寡冷淡耐人看素態倩誰
圖寫清雅清雅絕勝何郎瀟灑

○減字木蘭花

柳絮

絲、纖弱透幕觸簾穿
繡閣玉肩輕盈白雪當年擬謝
庭飛未水面慣引遊魚招紫燕
春老鶯殘常傍桃花樹下眠

菩薩蠻

沁心亭

一泓碧水平如鏡
直欄橫檻凌波矗
亭畔可垂綸
空明躍錦鱗
茫茫無徑路
欲渡愁難渡
却望綠荷邊
垂楊繫画船

唐多令

榴花

婀娜蕩薰風
繁枝綠蔽紅
便三春桃李滿園中
都道鮮妍渾似錦
可能勝此花穠
朱蕊燦成叢
遠映遠峰欲尋仙
洞覓芳踪
不是山中成藥轉
緣何事火燒空

西子粧

為張季宣催粧

數載紅塵一朝錦帳
問君是真是夢
孤單襟被總休題
于今雀屏新中
姻緣愴惚羨此夕
乘鸞跨鳳看紅羅高

揭目搖心動 卽起衆灯下偷窺舉止偏豪縱彈絲吹
竹擅風流消受他清聲妙美雙影共從今後應須珍
重好驚交莫把頭皮斬送

卜美子

移花

間向雨中栽偏愛窻前種待得春光滿西樓好把香風
送靜夜伴幽閨明月來清夢恰似卽心易轉移生性
由人動

洛陽春

山亭避暑

數尺層巒如削間居林壑繞窻綠樹透珠簾任陣薰
風作檻外清泉堪勻呼童時瀟幽篁獨坐敝衣襟好
一劑清凉藥

金人捧露盤

賦得蟬曳殘聲過別枝

吸秋風餐秋露帶秋聲到秋來偏耐人聽碧梧翠竹翻
騷一任往來輕非關水友巢餘音恰類鸚鳴入高榆
遷綠柳穿翳葉隱空庭送斜陽喚出疎星遠過耳畔抵

多少旅思閨情月明人靜對殘燈分外凄清

水調歌頭

採蓮

湖內花連水湖外水連天紅霞隱約千頃綠葉正田田
遍載新妝遊去早見波明風急翠鈿任翩翩多少留情
處半在並樓鴛 啟朱唇舒素手並香肩依稀笑語鶯
聲只在西橋邊生怕蓮房露冷又恐錦帷夢所未晚促
回船葉上留殘唾猶似碎珠圓

如夢令

賦得秋色老梧桐

簾外月明星耿耐盡宵寒漏永翠色入西風窸窣玉欄
金井清影清影別是一番佳境

浪淘沙

環珮聲

雅步動瓊瑤葉、宮腰呀羅裙底玉聲嬌疑是翻風初
試舞掌上飄飄似、似雲璈仙子丰標秦樓鄭谷以
寥、交甫于今何處也冷落江皋

紫拍聲

清韵绕梁间，松脆轻圆不敲檀板。理水弦细，照裙边金
凤嘴微露尖。纤手振轻纨，欲断还连。裂繒餘韵，故
悠悠，似当年。若解此，不是烽烟。

○ 弹琴

独坐倚空庭，月转西楹。金徽零乱，播新声。一曲高山流
水调，句、凄清。常是畏人，聽繡户，雙高檀，即側耳未
分明。怕有支離君，欲咲欲鼓，還停。

流蘇聲

明月照庭樓，寶鑑收垂。鴛帳掩，舊綢星眼初開。到

半响誤動銀鈎，清夢到温柔。乍響還休，怕人驚覺，更
含羞。鸚鵡簷前多解事，代喚了頭。

○ 南鄉子

春魯郊秋色

白露冷池塘，秋水涓、帶講堂。紅蓼黃花，堆野徑，徜徉
一陣風來，紫稻香。松相接宮牆，樹、參天色更蒼。寂
是朝來，紅日湧，漾、幾點凄。其漢殿霜。

○ 滿江紅

詠鶴

獨立瓊田看瘦骨昂然如削恰便是當年丁令未遊城
郭朱頂如丹迎日吐縞衣似雪臨風薄早獲對舞下
瑤階從空落蓬萊酒神仙酌伴青鳥傳期約任滄溟
碧海都憑茲鶴凡鳥止知春色好仙禽方識長生樂
乘軒任衛祿千鍾都成錯

春從天上來

本意

黍谷生暄首甲拆勾萌尚滯輕寒東風飄律早到人間
萬卉競鬪鮮妍問誰司節候催出了紅紫翩翩論天工

雖行生不息究竟何言園林到來幾許早為不藏林
魚不潛淵未破桃腮先開梅額樹嫩柳含烟想四時
代序總不如青帝當權駕龍車徘徊陽谷也臂周旋

一叢花

九日闕里登高

黃花歷亂滿芳洲恰早是深秋舞雩臺畔春遊絕
遷依舊綠水西流放眼青徐置身百尺吹笛倚高樓
聖賢遺跡望中收高會列朋儔茱萸遍揀遊人帽
相將去南畝東疇處絃歌家揖讓猶是魯東周

洞仙歌

深閨清夢怕東風
鶯覺簾幙垂
隔昏曉掩紗厨斜倚
珊枕鸞衾
半覆枕畔
簪橫玳瑁
春情全不管
高臥
方環一任名花
自含咲
倦起更無聊
紅日當窻
窻兒外
數聲啼鳥恨
聒
惟知喚人醒
何不把檀郎
信音來報

鷓鴣天

觀獵

草淨霜乾秋野蒼
合圍初換鬪鷄場
田中伏兔輕能狡

韝上飛鷹能欲颺
豉米鵲逐奔狼
鵬弓引滿技穿楊
雁來天外應難避
雉隱林間豈易藏

百字令

山間月

峰巒萬古儘經過
多少虧盈
圓缺三五良宵
蟾兔滿一派寒光如雪
喬木參差
層巖歷落
照耀明千疊
松間石上一般清興
難說
步向千尺峰頭
凌虛直上
如在金銀闕
一點初升
看漸小
方識雲山孤絕
白露橫空
寒梅繞澗
風景無區別
塵囂城市料應無
此清徹

禁城內家嬌

長安春晚

禁城明月落東風，
起春色晚蒼蒼。
看甲第連雲，
勳高許史朱門。
夫巷富擬金張，
知多以鶯聲來。
西閣燕語度雕梁，
曲徑日永天桃含。
咲御溝香暖，
弱柳飛黃。佳人遊紫陌，
細車過無數。翠羽鳴璫，
半是命儔呼侶。拾翠尋芳，
更連錢寶馬，五陵豪客，
錦心繡口，八斗才郎處，
有摩藪擊兩，相望。

唐多令

冬景

田園畢農耕家，
春酒成醅糟床細壓，
小槽聲恰是梅
花初放也。酌金盞，
劈霜橙。明月出高城，
寒光冷，西屏下。簾櫳靜，
剔銀燈。一卷漢書，
消永夜，窻見外雁初鳴。

偷聲木蘭花

榆錢

枝頭赤及青，
銅郭堆滿深林，
盈遠聲作意東君，
似向貧兒注意殷。
標陽當日飛無數，
均使家，成鉅富，
借問天工此物如何可濟窮。

桐波

亭、孤幹依金井每伴銀床挂月影不耐秋涼總是春
歸意已傷 臨風多少無聲淚恰似長門懷怨慙因甚
傷心但恐將來漸作琴

柳線

鬱金枝上柔絲繞染自春工顏色好鴨綠鴉黃漫道材
同藕線長 亞夫宮裏千株秀足供三軍敵甲曾徒有
虛名費盡鶯梭織未成

蒲劍

豐城蕭索龍光滅變作池塘蒲葦葉獵、迎風百練青
萍萍水中 蒯緄配此方為善昔日馮驩應未見數點
沉螢葉上攢來類七星

竹粉

綠陰色映紗窗透羞共羣芳爭錦繡膩粉輕施愈顯凌
霜傲雪姿 塗成淡雅閨中羨取向粧臺勻玉面研去
無踪不似何郎兩夫濃

荷珠

田、密襯鴛鴦脛碧玉盤中旋不定兩細風翻亂澱瓊

瑤碎又圓 鮫人泉室垂清淚 炫耀晶瑩如滴翠 不肯
留停盡向仙人掌上傾

○蓮鬢

芙蓉曾擬傾城貌 玉臂瓊腮真窈窕 不稱宮粧放出簾
簾數寸長 蓮房露冷嗟桂落 縱有長髯無處着 可惜
昌宗一夜婆婆姿 作老翁

○苻帶

芙蓉曾道堪為服 紫苻還將腰下束 水面飄颻幾絙垂
垂印綬長 繫來好襯凌波步 洛水仙妹今已去 瘦沈

休看只恐圓來別樣寬

○松針

龍鱗錯落盤根節 秀葉堅同良冶鐵 稚子江頭盡日敲
來不似鉤 朕成翠幄能無縫 怪底鉛松歸馬首 易損
鋒芒不上佳人刺 錦床

○桂粟

南山丹桂清秋馥 碧玉為枝金作粟 試問嫦娥月裏倉
厥貯幾多 廣寒田地栽仙穗 不用人間烟火氣 一盞
黃梁較比青精飯 更香

鬢雲鬆

冬景

朔風寒清霜厲世界空明如在瑤臺內臘酒初成逢臘
祭父老喧闐鼓樂聲匝地 歲寒時春信至折得幽香
笑作梅花稅馱炭融時寒氣退日映簾櫳照得人如醉

○漁家傲

詠暮鴉

隱隱斜陽當晚霽團風作陣連天際錯落參差誰可擬
雲箋細彩毫亂灑迴文字 三匝繞枝聲正厲淒涼傳

得瑤琴意飛過上林猶不憚騰兩翅茫茫欲逐金烏逝

○減字木蘭花

蜂衙

土門圭竇盡向花間開戶牖列隊分曹衙鼓無聲散早
朝採香歸去獻納君王依驚序冠至須防只怕天寒
割蜜房

○燈臂

昂然孤聳舉斧當奎如賈勇莫咲微軀千乘諸侯竟避
車自來輕敵不晚臨時須量力意氣翮博得聲名

類鼠肝

青玉案

題三硯齋

兔毫欲把烏絲寫首一室真瀟灑
曉啟芸窗光四射號
州第一羅家無二一片銅臺瓦
子昂松整今時寡蘇
子仇池無知者為問曹瞞真共假
當年廢土今成鼎足
猶是三分也

○春到也

賦得何物勝樽前

世事紛々如轉磨誰耐得
愁城大看百年風光彈指過
憂悶也三盃破寐寔也千鍾破
好友良朋偏輒軒大
半經摧挫向月夕花朝同倡和
杯到也寔前坐酒到也
花前坐

少年遊

人日試燈

從來七日策宜晴况是際昇平
士女樓頭兒童陌上取
吹放華灯
年時記得團圓夜不及此宵明
玉漏更移
金吾夜轉翻覺太無情

雨中花

落燈後風色淒然追憶元夕宴會之盛
鼓樂喧闐樓外鞦韆細車羅帕嬉遊看星橋高駕皓月
光浮鬧處聲如鼎沸行時勢若川流更連錢寶馬斜倚
雕鞍倒豎金鉤江南才子脫帽顛狂我昔帶醉凝眸
能幾日當前美景一粟全收朋侶竄寥座上兒童冷落
街頭風雲天上也應追憶竟日悠

叙頭風

待月

清風剪輕雲捲黃昏初近銀河淺
敲金餅焚香鼎馬愁
夢斷先憎宵永醒醒飛鳥返金波遠
愁懷欲訴憑誰遣
心兒欺身兒冷素鸞何在青娥難請等
等

綠意

梅花書屋

疎烟淡月傍雕欄曲檻看來奇絕
總是春光乍轉幾回
錯認去年殘雪東風細穿簾戶早
又把香魂勾攝
他架上殘編先受我番清潔
放鶴亭前此際全開放
料應也無差別
裹霜華伴我芸窗未許傍人偷折
誰

言微物堪持贈且留待自家怡悅還勝驢背尋詩耐盡
朔風寒冽

詞金門

燕雁相逢

春歸乍紫燕未尋王謝途遇征鴻相共逐幾多離別話
相隔也只三夏後會不過秋社碌我南君北下一

生為客怕

○滿江紅

泮宮懷古

舊沼荒臺依然是水環半壁想往日魯侯穆、詩教明
德異代徒存莽莽在千秋如見旌旂色憶橋門小大盡
從公今安遠人代遠興亡隔桓釐殿成陳迹寂寞磨
往事青松白石象齒南金無覓處嘉賓高會如疇昔美
樽前望古合消愁休沾臆

一痕沙

咏蓮前紅葉

蔭過芸窗書屋一樹垂、新綠剝剝試金簪盡成丹
枝上濃花如霰不見胭脂一點若愛滿園紅愧秋楓

望海潮

北窓雨後

歸雲淡，殘雷隱，雨餘水滿池平。半沼紅渠，千竿翠
篠，向人抽出新英。節序屆朱明。挺堂前日烈，屋後風清。
冰簟殊簾，倚窻高臥聽蟬聲。蕭然與世無爭。任閒花
爛熳，好鳥飛鳴。肯酒盈尊，瑤琴在御，儘堪樂我平生。况
是少逢迎，便東華舒啸，面畝陶情。佳興無邊，不知何地
有芙蓉。

鬢雲鬆

本意

欲眠時初醒際，宮髻雲鬟，看去都成鬢。枕橫斜人獨
倚，細印紅腮，散髮如流翠。此夢牽香魂，醉膏冰慵施
半是綠春思，縱有好花無戴處。靈蛇。相思字

惜秋華

詠蓮前建蘭

洗盡鉛華，綠叢中微露，檀紅數點。細透幽香，數過幾絲
烟篆。誰從南園分仙卉，移向北徐東。克休輕剪，留取清
芬聊供輕冕。數朵撩人眼，覺牡丹色過黃。花香幾午

夢覺寔兒外輕風乍轉細雨濕透芳艸近黃昏珠簾半
捲消遣絕勝似靈均九畹

更漏子

乞巧

網蛛絲陳巧果何事年々相左良會促怕更殘須知不
耐煩心憂悶慙質執望乞天孫勿吝千囑付萬叮嚀
料應不肯聽

○秋霽

本意

彌野濃陰細雨灑堂前蓼紫桐碧怨綠愁紅輕雲薄霧
釀就無邊秋色敗蟬翼濕枝頭棲穩飛無力早又見空
際落霞斜襯遠天赤
追想往日作賦登樓到今誰尋
宋玉踪跡更何堪西風迢迢教聲吹送隔垣笛明月映
憲如雪白此意誰語惟有戶外寒蛩樹間殘葉似還知
得

○滿庭芳

壯士吟

老氣干霄丹心飛電腰間寶劔橫秋襟懷磊落長嘯傲

王侯肝胆未知誰向那郭侯俠意氣相投片言合頰顛可
贈熱血染吳鉤 恩讐分明甚睚眦必報一飯曾酬嘆
純劉百鍊統指翻柔千古寥 有幾空勞我寤寐追求
看人世翻雲覆雨行路日悠

調笑令第二辭

分詠美人故事

洞庭君女

柳毅下第還湘濱道逢龍女牧羊群荊州舅姑
日厭薄音書欲寄江湖深風鬟霧鬢悲難已錢
塘一怒無情死妾心不替終報君微君淪沒難

雪耻

雪耻還鄉里一紙素書通水底貞人信義時能比花愁
兩泣都成喜欲報慙無瓊李

燕山亭

樂府秋聲賦

浙滙奔騰風雨夜驚觸物亂鳴金鐵疾走衝故人馬行
聲聽去愁腸如結噫此何聲謂童子視之來說星月更
皎 明河聲未林樾 噫此胡為來哉此之謂秋聲奮
舞凄切無情草木遭排推零人何當茲餘烈况是憂勞

先變了星、華髮愁絕念賊為誰朽滅

賀新郎

詠蟹

月滿筐盈肉恰三秋東籬北牖旋開黃菊餐遍落英猶
未盡相與持螯枕麪論汝是介蟲名族貫胃待牙稱壯
士嘆劉強早被見童縛笑郭索翻窮蹙 含黃包雪多
香護艇教伊橫行倒走只充人腹豈有文章驚海內竊
得長卿面目值得使文君痛哭恐似君謨書請誤便一
身委頓幾為戮讀爾雅當須熟

南鄉子

細竹

策竹碧團團半畝窻前小渭川亦有排雲情性在
瘦骨凌層露易乾也解報平安留待他年弄弱翰細
細風未挂不定娟省得湘妃淚染斑

○ 瀟湘逢故人慢

賦得連天秋水一人歸

金風迤迤正鱸肥蓴熟水碧沙寒落霞映長天看雲外
隱、高掛輕帆烟波浩淼試凝眸一望漫、知多少歸

情旅思清夢繞江干
孤舟寄無宿主美終朝征鴻塞
雁盤旋嘆鳥倦知還况繞岸黃花暮紫楓丹儘堪寫
目
縱巨浪一葉翩躚回頭望蒹葭白露蒼茫遮斷雲山

虞美人

貂蟬

軋兒義子相為亂漢祚危如線當時若個長三軍却教
復仇雪恥讓紅裙
國亡家破誰為主談笑歸郿塢一
朝得當報司徒不減美人腰下借銀鉞

鳳樓梧

本意

阿閣岐山飛彩羽千載遺丹穴知何所世際昌明追
太古九苞會見凌室舞
聲嘶秦樓人已去窳冥瓊簫
棲止應無處嶧岫孤桐青滿樹移家願傍東山住

朝玉階

過泗水橋

泗水西流帶魯邦有時波浪急似瞿塘連雲侵漢石為
梁往來行旅客免蓑裳
怪他鞭石事荒唐義輪何處
覓咲秦皇梁園賓客盡消亡
故宮餘茂草歲滄桑

千秋萬歲

艷詞

倩魚雁把錦書頻托嘆妾恩深郎情薄憶行時珠泪頻
偷落叮嚀軟語都忘却僕易哄君難料今猜着 隨處
采蘭還贈芍溫柔鄉裡尋秘約可憐燕子來香閣聽呢
喃說盡郎心惡絲絲細結鴛鴦索須有日把郎心重

縛

○霜天晚角

本意

鷄鳴星爛霜容輕如霰盡角一聲吹送西風外連還斷
征途行已倦耐淒涼不慣嗚咽帶將愁去板橋上人

跡亂

玉漏遲

咏鶴步梅花月下

風輕雲淨也先挂銀漢下臨無地玉骨冰肌增出亭
嬌媚闌苑琪花瑤草凝潔白遜他風致堪遊戲良宵先
遣仙家騏驎 早向花下翱翔更從倚徘徊臨風嗷嗷
不是孤山誰知此中清味却笑秦皇漢武眼前景不曾

留意蓬島內料無賞梅方士

鳳樓春

春夜觀傀儡

翠袖稱紅裙宜笑宜嘆步逡巡繞梁一曲過行雲雖木
偶也消魂昔日平城邀一顧早退了三軍亂紛紛兔
走狼奔衣冠旂幟歡娛爭鬪萬般疑假疑真閱歷世情
深看來多少盡如君屈伸俯仰總是隨人

賀新郎

懷古擬辛稼軒蘇並用稼軒韻

往事那堪說想當年靈光古殿無垠膠葛碧瓦朱甍皆
剝盡剩有淒風寒雪思量起悲生華髮教化難存聖賢
遠笑千秋不改天邊月曾照去絕調瑟春風依舊人
情別論詠歸從容洒落襟懷難合沂水涓流何限消
盡朱顏白骨嘆鏗爾餘音清絕湫矣高風誰可繼但狂
來醉舞昆吾鐵更吹笛碧雲裂

月穿窻

詠石榴子

榴朱實勻圓膜更柔珊瑚碎鐵網未曾收

○未定西番

春景

門外嬌鶯初轉紅日麗透朱簾燕呢喃
乍暖乍寒時
候愁添恨亦添
寂是惱人天氣在春三

○長相思

夏景

紅榴燦綠荷馨
森木蟬吟似鳳笙
晚涼偏愛聽
小池
平晚山晴隱
殘雷天外聲
松風雨後清

○相見歡

秋景

西風吹冷池塘墜蓮房
敗葉殘紅深處臥
鴛鴦
白似
練凝如霰是秋霜
留得新烟疎柳映斜陽

○醉太平

冬景

今宵昨宵風飄雪飄
倚樓探取梅梢
嘆春光尚透
黑
貂玉貂詩瓢酒瓢
且須樂我陶
把壺香自燒

鴛鴦綺

風

伴韶光窈是汝多情輕拂芳艷縱遠傳嬌鳥聲

梧桐影

花

含百層愁千結一夜東風天際來人間齊放傾城色

春宵憶

雪

愛石全依砌尋梅亂舞風轉盼失前峰詩思何處覓瀟

橋中

西樓夢

月

蟾兔蟾兔朗當樓過美人初醒寔半開忽驚有箇人

同坐

○阮郎歸

曉行

霜清露白曉鐘微疎籬明月西衝寒或道淡烟迷玉繩

當曙低南舍犬北隣鷄聲聽漸稀東林宿鳥忽高

飛前村覓酒旗

○踏莎行

過朱狀元果顯故里

門鎖蒼烟連荒碧草殘碑猶傍東平道古來多少狀元
郎思量幾個如君老洛社耆英嵩山四皓姓名尚在
人間表伏生九十始傳經耳羅翻覺成名早

○ 滿路花

本意

長途亦有窮芳蕊渾無盡千林經雨後同嬌嫩軟紅十
丈愛把香塵襯吹落紅成陣何似芳園佳人蓮步曾印
傍山臨水寂寞誰來問春風猶愛惜還相認萬般艷

冶枉惹離人恨東君無賴甚有甚心情只管傳遞花信

錦堂春

瓶中殘牡丹

錦萼半隨流水檀心尚戀空枝折來富貴者猶在金縷
伴瓊卮 梁几銀瓶斜插珠簾繡幕低垂却看檻外殘
紅處風雨葬西施

○ 西江月

鸞翎扇

彩羽風移電轉奇毛玉潤珠輝影空秦鏡已多時剩有

雲搖雉尾 沉重怎持歌舞團圓難寄相思思量懷袖
不客伊留掩星娥月姊

新荷葉

本意

欲動還浮任他水面風牽小大參差看來如鏡如鏡綠
池波淨似列星夜燦青天只堪魚蔭初生未解藏鴛
裏柔絲波心軟若春綿甫出泥塗亭已自悠悠嫩
黃茂碧偏宜趁澹月輕烟儵魚落片誰傳妙手黃荃

浣溪沙

用藥名

賦得茂苑月來秋珮冷

桂殿珠簾放繡楹如珪明月照勾藤霜清露白芷蘭馨
續新清風桂玉珮迷離花氣繞金鈴蒲黃空自伴流
螢

賦得洞庭雨過夏宵涼

白芷紅蘭景自幽密蒙細雨打船頭
教夏五倍新秋
百部鼓吹鳴濁澤
千年遠志憶清流
何殊蘇子泛扁

舟

○減字木蘭花

銀杏

粉粧玉裏笑，彼蓬萊紅似火杏也。稱銀多少，垂涎空噤。
津百清香堪嚼，不枉芳聲稱鴨脚。可嘆人情草木，猶知
占富名。

○ 鳳樓梧

觀玉茗堂南柯夢劇

年少淳于耽睡久，貴主瑤芳驀地成佳偶。取得專城渾
似斗大槐安國，君為守。空有兵符懸在肘，教萬貌貅
一霎皆奔走。醒看南柯枝欲朽，當時悔不增培塿。

夜半樂

秋夜觀長生殿劇

唐明皇故事也

開元遠勝天寶無，為瑞拱正勤求宵旰笑。鞏固金甌玉
環輕，燭深宮浴罷鴛鴦睡。起窠憐奴舞清歌，沉香亭畔
羨掌上輕盈過飛燕。曲江上已擾，繡轂麟霞裳
粲。更姊妹三人皆承天眷，美幾何時燕屏莫馬堪嗟。
逼上蠶叢連雲古棧，羨紅粉梨花作同伴。到此聞得
剝閣鈴聲愈難消遣，縱譜入霓裳按弦管。這離情料難
似太平清燕，剩蒲柳野老空悲嘆。人間豈有長生殿。

惜秋華

賦得秋風起兮白雲飛

淡、微雲對秋風別是一番皓、擘絮排空無殊越羅
魯縞天高地迥恣搖曳盡日氤氳縹緲遠山外明霞
縷亂紅斜照舒卷微昏曉總纏綿無盡知他多少新
月上時新續清光籠罩天涯旅客征人望寒空愁添懷
抱秋老問白雲可曾盡了

一葉花

詠銅鶴

凌層瘦骨亦翩躚鶴美也千年來非玉樹三山遠似曾
服闋危丹鉛人世滄桑年華變易无羽尚依然不同
仕衛枉乘軒獨立小闌前珠簾西閣微風靜常為引淡
月輕烟翻笑莊周不材竟雁此以不鳴全

人月圓

中秋後一日玩月

今朝還是團圓月難辨一分虧昨宵餘興拚教再續賞
盡清輝人生當此親朋樂敘敢負良時一年幾見匆
匆過了枉繫相思

最高樓

聽雪

擁書臥簾幕儘教垂何事恁凄其閒窓小飲初醒後午
床幽夢乍回時聽飄飄一陣打花枝 聲藪耳邊
如落葉色淡枕邊如落月總錯認枉成痴非關金鐵
鳴清籟還疑風雨浴冰絲莫問軒窗射目冷侵肌

○金明池

送碩天兄南歸金陵

陌上垂楊橋頭細柳慣繫離人情緒最苦是良朋遠出

鷄壇寂寞少伴侶嘆年來朝夕相依紉憲裏每共晦明
風雨離別偏多想逢恁少又欲匆匆歸去 松菊荒蕪
誰是主試剪燭持觴叮嚀萬語陽關外扁舟難繫湘竹
裏相思休訴向無邊重疊雲山看水國汪洋知音何處
俟桂粟飄零登高時候白社依然歡聚

○憶黛眉

九月十九日作

木落天寒日冉九又何妨重登高阜黃菊猶新紅萸如
故莫道不堪回首 兩度秋逢開咲口續舊遊淵明知

否天際征鴻籬邊粉蝶不與秋容同瘦

齊天樂

咏鰓

祭魚本是荒唐事從來也書月令猛過鸕鶿狡逾鼯鼠
出沒深淵俄頃狂鯪不定任穴岸潛波跳果踰并撥刺
舟間篙師欲捕又無影湖心月明如鏡正逐捕獲魚
偷越漁艇帶水嘗鮮拖泥覓飽畢竟與人無競還須自
警但誤出人間便愁膏鼎奈此深冬夜寒波較冷

芳草渡

賦得雨絲風片烟波西船

桃花岸白蘋洲春江外古渡頭看未宜喜也宜愁雨非
雨霽非霽浪花浮飛還散連又斷釀就氤氳一片蘭
為柁柱為舟明粧煤筮歌亂去悠悠

雪梅香

望父臺懷古

堪悲咽高臺縱目望長空想慈烏反哺孤兒情緒應同
灑水迢迢隔南北渭川修阻限西東天高地迥望白雲
目斷征鴻冲以慨賢侯縱隔晨昏易得相逢薄命憐

余徒吟陟岵悲恫剝有風蒲飄忌綠獨餘霜葉泣殘紅
血泪滴珠源古道馬糞遺風

○玉樓春

冬思

三冬百卉渾如掃放眼梅花尚早愛他天然耐秋霜
紅豆離披偏嬌摘未教顆珊瑚小欲死清教心擾
擾當筵妙舞幾時開莫使秋娘容易老

○梅花引

臘梅

茉莉黃菊花黃讓汝偏能極壽陽早梅芳晚梅芳金蕊
蠟英一般浮暗香孤山遍嶺渾如雪灞橋滿地渾如
月太凄凉太凄凉爭似嫩檀微烘鬢霜

○轉應曲

柳

楊柳楊柳送盡行人知否去時雨雪紛未日依曉
春春晚春曉人與綠楊俱老

河滿子

賦得長夏江村事

浮野幾行白露環村數畝紅荷曲徑荈舊酒盡永此中
人事無多水筆疎簾獨坐興未醉臥青莎 早聽山間
樵唱晚聞水際漁歌茗椀茶鐺都是伴任他翻覆風波
且效少陵野老莫將好景蹉跎

○倦尋芳

咏籬間牽牛花

常眠芳草青似柴窰形如盆盎色非金莖捧露承霞一
樣醉無毛頭無角惡名何事來相况笑伊時獨晚眠早
作有些相像 便教倩戴嵩名手紙擅丹青靈華難狀

漫處成金古道連雲曾創力士五丁井受誑此花合向
蠶叢放到如今臥東風徒勞鞭杖

○明月逐人來

本意

坐時同坐臥時同臥乾坤內一齊包裹夜深人靜合上
黃金鎖早向床頭窺我 惟有晦明風雨似將人躲簾
帷下處如相左他鄉故國寸步曾離麼爭似人情心巨

雙荷葉

荷珠

雷聲咽瑞雲捲雨南山歇
南山歇誰將萬斛擎來千葉
晶瑩不產驪龍穴團圓不視天邊月
天邊月畔胎何處空傳南粵

揚州慢

新秋

竹露迎寒荷風送雨碧梧
凝月晶、聽綠槐枝上早鴉
噪蟬驚自張翰當年去後
鱸魚尊菜猶自多情到清宵
客、砧杵吹滿高城柳
迢迢浦漸蕭條減却青、想
朱玉才多歐陽賦好夢
斷商聲懷舊伊人何處
山陽笛吹向誰聽看
離邊黃菊又隨白髮相生

采桑子

鶯黃

鵝黃鴨綠春光好
伐木丁丁軟語叮嚀
打動人間舊友情
杜鵑徒惹離人恨
怎似卿卿
敲瑟吹笙異姓能教
類鵲鴿

青玉案

九如堂香椽結實甚繁有賦
果珍只合江南有
但轉玩傳纖手歷
枝頭垂似斗洞

逢少女江陵老叟暫見應驚走
森々綠葉如春柳色
染輕黃似中酒堪笑東吳無此偶
地分南北物成橘柚
應是荒唐否

天仙子

同人步月觀魯城暮靄

歷、金波渾欲瀉漢殿秦碑光四射
烟籠明月月籠烟
迢遠舍來芳榭煙樹模糊高復亞
疑是日光飛野馬
穿破蒼松縈古瓦
淒涼髣髴立瑤臺
時不借情無價
笑殺東萊城不夜

菩薩蠻

離情

離情怕見天邊月
一年總是嗟盈缺
新月又團圓
離人未並肩
紅顏今漸老
問你愁多少
楊柳似儂痴
一春都是絲

送入我門來

代友辭醉

去帶情騰蹄猶困頓
問君昨醉誰家伊
豈高陽劇以酒
徒加彼非痛
飲杯中物
奈君自看成
井底蛙
此意誰

人能解且自面酣耳熱羯鼓頻通澆我牢騷薄酒勝如
茶解朝聊代揚雄賦到我醉君休各齒牙

百字令

驅巫

死剛百鍊髮冲冠殺盡人妖物孽怪底覩煞人面目婦
女叢中饒舌設柳招魂揚刀斬鬼一派胡言說
喬粧上詣天闕偏是愚婦愚夫如同親見博得天
神悅驅祟消災符一紙硬比同官挑荊賢聖靈區茲歌
故址看去心如噓窳之何地除非狼窟彪穴

